



**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Juris Canonici A. R.P. Paulo Laymanno Societatis Jesu Theologo SS.
Canonum In Alma, Catholica, Et Episcopali Universitate Dilingana
Professore Qvondam Ordinario, Prælectionibus Academicis Illustrati

Laymann, Paul

Dilingæ, 1673

Capitvlvm III. Nullam.

[urn:nbn:de:hbz:466:1-62587](#)

etum sit, ut ab his talia juramenta non exigantur.

4. Potest Judex ex rationabili motu se ipsi à partibus in eadem causa quo ad facta quedam particularia juramentum calumniæ exigere, eandem pœnam quoad factum tale particolare incurrente eo, qui contumaciter hoc juramentum recusat, quam incurveret quoad totam causam, si de ea jurare nolle.

Tamen si in Causa Principalis seu primæ instantie juramentum calumniæ aut veritatis præstatum sit, tamen iterum edi debet in secunda instantia coram judice Appellationis. Rationem dat Dominicus h̄c Not. 3. quia cùm mutantur persone judicii, ut judex in causa appellationis, tum pertinentia ad ordinem seu solennitatem judicij repeti solent, videlicet, libelli oblatio, litis contestatio, juramentum calumniæ.

§. Procuratores.

2. Si postquam persona principalis de Calumniæ jurauit, Procuratorem ad item prosequendam constituerit, ipse quoque Procurator jurare de Calumniæ cogitur, tametsi in causa instructus venerit, seu cum mandato, quid ponere, respondere, aut agere debeat.

Nota, præter juramentum, quod Dominus in animam suam præstat, etiam Procurator in propriam animam jurare cogitur, quia etiam ipse calumniam infert, si sciens causam esse injustam, aut non credens esse justam, defendendam suscipiat. His adde, quod etiam Patroni causarum seu Advocati, de Calumniæ jurare debeant. iuxta l. 2. b. s. & l. Rem non nouam. 12. de judic. Sed id non obseruari, ait Panorm. in cap. 1. n. 5. extra h. t. fortasse ne perjuriis occasio præbeatur, quia frequenter Advocati precibus aut pecuniis adducti causas suscipiunt, quas justas aut probabiles esse non existimant, quâ in re grauiter peccant, etiam contra justitiam.

§. In omnibus.

Tamen si de Calumniæ aut veritate jura-

tam sit, potest tamen iudex in omni causa, quotiescumque videtur, à partibus exigere juramentum malitiæ.

Adverte, quod, quamvis juramentum calumniæ semel tantum præstatum sit. Aut. thent. hoc Sacramentum. b. t. quia se extendit ad totam causam, omnésque eius articulos, nihilominus tamen in progressu cause, si suspicio sit, quod Reus vel Actor malitiæ aliquid proponat, aut excipiat, aut dilationem aliquam petat, iudex jubere potest, ut de malitiâ juret, id est, quod id non faciat malitiæ, sed existimans justam se causam habere, ideò nimirum, quia cautio specialis plus timerit, quam generalis; volo dicere, eti generatim juratum fuerit, tamen magis timeri speciale juramentum super articulo particulari, vti Ancharanus hic obseruat. Not. 3. Sed quid si Actor aut Reus jussus de malitia jurare, contumaciter renuat. Resp. tunc præsumptio contra ipsum est, ob quam ad articulum illum v. g. exceptionem objiciendam, non admittendus est, imo quandoque pro confessio habendus. Arg. cap. De Confess. in 6. Videatur Gail. l. 1. obseru. 87.

C A P I T V L U M III.

Nullam.

Procurator afferens mandatum speciale de jurando in animam Domini, admitti debet.

S V M M A R I V M.

1. Procurator qui speciale mandatum habet, ut de calumniæ juret in animam Domini, admitti debet, ita tamen ut insuper etiam de calumniæ juret in animam suam.
2. De jure quidem non sufficit ut Procurator generatim constitutus ad lites cum mandato jurandi in animam Domini admittatur in quacunque causa speciali; consuetudo tamen hoc obtinet saltem si longius absit Dominus.

DE hac re olim magna erat inter DD. controversia, num persona principalis per se de calumniæ jurare debeat, an verò id facere possit per Procuratorem, quam quæstionem

q

stionem hic decidit Bonifacius. Si Procurator speciale mandatum afferat de jurando, admittendum esse, quamobrem tali casu Procurator duplex juramentum calumniae edere debet, vnum in animam Domini ex mandato eius, alterum in animam suam, & est id peculiare in juramento calumniae, teste Franco in cap. 2. n. 2. & s. b. t. Nam in aliis juramentis sufficit, si Procurator juret, in animam Domini ex mandato eius speciali. Excipe, nisi sit Syndicus, huius enim juramentum in animam suam sufficit. Aliam exceptionem afferat Galinus l. i. Quod Procurator parti datus ex officio judicis, calumniae juramentum, saltem quatenus ad justitiam causae refertur, praestare non cogatur. Arg. Reg. 24. in 6. quod quis mandato facit judicis, dolo facere non videtur cum habeat parere necesse.

Quæritur, si Procurator generatim constitutus sit ad lites, cum mandato seu potestate jurandi in animam Domini, an admitti debeat. Negat gl. magnahic, & id de jure verum videtur, quia juramentum calumniae

requirit, ut cause justitiam determinatè cognoscat, atqui Dominus Procuratori generali dans mandatum jurandi de calumnia in quibuscumque litibus, determinatè non censetur cognoscere justitiæ cause seu litis postea exorituræ, quare si causam iniquam esse appareat, excipere posset, quod mandatum jurandi indeterminatè datum, ad hanc causam iniquam extendere non voluerit, vti monet Bartolus, in cit. l. 2. §. Sin autem. n. 3. Nihilominus secundum consuetudinem tribunalium sufficere mandatum jurandi indeterminatum, non expressâ causâ seu lite, testatur Joan. Andr. n. 1. Franc. n. 3. Et haec consuetudo saltem eâ ratione defenditur, quia si Dominus absens sit, & brevi tempore ab eo mandatum jurandi in causa speciali haberi nequeat, tum ne excludatur Procurator generalis, introductum fuit, ut sufficiat mandatum jurandi generale, imò in tali casu sine mandato jurandi, Procuratorem admissi posse, praestito juramento in propriâ duntaxat animam, arbitratur Bartolus loco citato n. 5. Videatur Francus hic n. 4.

TITVLVS VIII. DE DILATIONIBUS.

DILATIO dicitur concessio seu indulsum temporis, intra quod aliquid agi possit, & est alia dilatio legalis, seu quæ datur à lege v. g. ad appellandum intra decendum c. Quod ad consultacionem. 15. Desent. & rejudic. Alia conventionalis, quæ datur ex partium conventione, v. g. ad solutionem faciendam. l. Cedere. 213. ff. De verb. signif. Alia denique judicialis, quæ datur à judice in judicio, & haec ferme arbitaria est, seu judicis arbitratu definienda, considerata tum loci distantiâ, tum cause ac personarū qualitate, vti docet Tancrus. l. 2. t. 18. Maranta p. 6. Memb. 2. actu 3. n. 15. Tametsi enim in jure certa dilationum tempora statuta reperiantur, vt lege 1. C. b. t.

cap. 2. 3. q. 3. tamen à judice moderari possunt, & secundum exigentiam cause, longiores vel breuiores concedi, vti notat gl. recepta. in cap. 1. b. t. Dilationum judicialium variæ species sunt, nam aliæ sunt exspectatoæ (aliæ citatoæ dicuntur) quæ dantur Reo absenti, ut ad judicium veniat, de his agitur in Authent. qui semel. C. Quomodo & quando. cap. 1. b. t. Aliæ sunt deliberatoæ, quæ Reo post oblatum libellum dantur, ad deliberandum, cedere, an contendere malit. c. 2. b. t. Authent. auferatur. de litis contestatione, vbi dicitur, has inducias 20. dierum esse, sed judicem hoc tempus moderari posse, docet Tancrus, lib. 2. t. 18. Nam sicut frustra protraheretur judicium, si tanta temporis mora necessaria non esset, ita & vice versa,